

Астана қаласы, 2013 жыл

1-бап. Жалпы ережелер

1. Бұдан әрі – ДББҰ деп аталатын «Назарбаев Зияткерлік мектептері» дербес білім беру ұйымы ««Назарбаев Университеті», «Назарбаев Зияткерлік мектептері» және «Назарбаев Қоры» мәртебесі туралы» Қазақстан Республикасының Заңына сәйкес, Қазақстан Республикасы Үкіметінің шешімімен «Назарбаев Зияткерлік мектептері» акционерлік қоғамын қайта құру нысанында қайта ұйымдастыру жолымен құрылған.

ДББҰ Қазақстан Республикасының азаматтық заңнамасына сәйкес «Назарбаев Зияткерлік мектептері» акционерлік қоғамының оның барлық құқықтары мен міндеттері бойынша құқықтық мирасқоры болып табылады.

2. ДББҰ-ның құрылтайшысы Қазақстан Республикасының Үкіметі болып табылады.

3. ДББҰ-ның толық ресми атауы:

1) қазақ тілінде: «Назарбаев Зияткерлік мектептері» дербес білім беру ұйымы;

2) орыс тілінде: Автономная организация образования «Назарбаев Интеллектуальные школы»;

1) ағылшын тілінде: Autonomous Educational organization "Nazarbayev Intellectual Schools".

4. ДББҰ-ның қысқартылған атауы:

«1) қазақ тілінде: «Назарбаев Зияткерлік мектептері» ДББҰ;

2) орыс тілінде: АОО «Назарбаев Интеллектуальные школы»;

3) ағылшын тілінде: АЕО «Nazarbayev Intellectual schools».

5. ДББҰ-ның орналасқан жері: Қазақстан Республикасы, 010000, Астана қаласы, «Есіл» ауданы, Қабанбай батыр даңғылы, 53.

2-бап. ДББҰ-ның заңды мәртебесі

1. ДББҰ құқықтық мәртебесі және қызметінің ерекше құқықтық режимі «Назарбаев Университеті», «Назарбаев Зияткерлік мектептері» және «Назарбаев Қоры» мәртебесі туралы» Қазақстан Республикасының Заңымен (бұдан әрі - Заң) айқындалатын, дербес білім беру ұйымының ұйымдастыру-құқықтық нысанында құрылған мүшелігі жоқ коммерциялық емес ұйым болып табылады.

2. ДББҰ Қазақстан Республикасының заңнамасы бойынша заңды тұлға болып табылады, дербес теңгерімі бар, өз атынан мүліктік және жеке мүліктік емес құқықтарды сатып алады және жүзеге асырады, міндеттер алады, сотта талапкер және жауапкер бола алады.

3. ДББҰ-ның қызметі Қазақстан Республикасының Заңымен, заңнамасымен, осы Жарғымен, сондай-ақ ДББҰ-ның өзге де ішкі құжаттарымен реттеледі.

4. ДББҰ қаржылық-экономикалық, әкімшілік басқаруда, шешім қабылдауда дербестікке ие, бұл оның Қазақстан Республикасының заңнамасына және осы Жарғыға сәйкес кадрларды іріктеу мен орналастырудағы, білім беру, ғылыми, зерттеу, қаржы-шаруашылық және өзге де қызметті жүзеге асырудағы оқшаулылығы мен дербестігі деп түсініледі.

ДББҰ білім беру мазмұнын айқындауда, оқу-әдістемелік қамтамасыз етуді таңдауда, іске асырылатын білім беру бағдарламалары бойынша білім беру технологияларын таңдауда еркін.

5. ДББҰ-ның өз қызметін жүзеге асыру үшін қажетті мөрі, өз атауы бар бланкілері және өзге де деректемелері, сондай-ақ банктерде, оның ішінде валюталық шоттары бар, нышаны (тауарлық белгісі), логотипі мен өзге де фирмалық деректемелері болады.

6. ДББҰ-ның күзет құжаттарын, «ноу-хау» технологиялары мен зияткерлік шығармашылық қызмет нәтижелеріне өзге де құқықтарды иеленуге және пайдалануға арналған құқықтарды сатып алуға және ұсынуға, сондай-ақ өзіне тиесілі зияткерлік меншік құқығын қорғауға, сондай-ақ қызметтік ақпаратты, коммерциялық және өзге де заңмен қорғалған құпияларды қорғауға құқылы.

ДББҰ-ның зияткерлік меншік объектілеріне құқығы Қазақстан Республикасының заңнамасына, сондай-ақ шетелдік серіктестермен жасалатын келісімдерге сәйкес реттеледі.

7. ДББҰ-ның осы Жарғымен және Қазақстан Республикасының қолданыстағы заңнамасымен көзделген тәртіппен заңды тұлғалар, оның ішінде еншілес құруға, сондай-ақ Қазақстан Республикасының аумағында және оның шектерінде басқа да заңды тұлғалардың жарғылық капиталдары мен қызметіне қатысуға құқылы.

8. ДББҰ Қамқоршылық кеңес шешімінің негізінде еншілес, ұйымдар, филиалдар мен өкілдіктер құруға құқылы. ДББҰ филиалы ДББҰ Басқармасы айқындаған шекте ДББҰ-ның функцияларын дербес жүзеге асырады, өкілдік ДББҰ-ның мүдделерін білдіреді және оларды қорғауды жүзеге асырады.

Филиал (өкілдік) туралы ереже, филиалдың (өкілдіктің) Құрылымы мен штаттық кестесі және еңбекақы төлеу жүйесі ДББҰ Басқармасының шешімімен бекітіледі.

Филиал (өкілдік) қызметіне басшылықты ДББҰ Басқармасымен тағайындалатын тұлға жүзеге асырады. Филиал (өкілдік) басшысы ДББҰ Басқармасының алдында жауапты болады және белгіленген тәртіппен алынған бас сенімхаттың негізінде әрекет етеді.

9. ДББҰ өз құрылымын өз бетінше қалыптастырады. ДББҰ-ның Құрылымдық бөлімшесінің құқықтық мәртебесі мен функциялары ДББҰ Басқармасымен бекітілетін тиісті ережемен айқындалады.

10. ДББҰ өз Құрылтайшысының міндеттемелері бойынша жауапты болмайды. Құрылтайшы ДББҰ-ның міндеттемелері бойынша жауап бермейді.

11. ДББҰ мемлекеттің міндеттемелері бойынша жауап бермейді, мемлекетте ДББҰ-ның міндеттемелері бойынша жауап бермейді.

3-бап. ДББҰ қызметінің мақсаты мен мәні

1. ДББҰ мектепке дейінгі тәрбие мен оқыту, орта және қосымша білім беру саласындағы қызметті, сондай-ақ осы Жарғыға сәйкес өзге де қызметті жүзеге асыру мақсатында құрылады.

ДББҰ-ның қызметі халықаралық деңгейде бәсекелесе алатын, белсенді өмірлік ұстанымы бар жоғары білімді интеллектуалды тұлға тәрбиелеуге мүмкіндік беретін қазақстандық және әлемдік білім беру жүйелерінің ең озық дәстүрлерін

біріктіретін орта білім берудің инновациялық моделін қалыптастыруға бағытталған.

ДББҰ қазіргі заманғы білім беру бағдарламалары мен технологияларын, оқулықтарды, оқу-әдістемелік кешендерді, оқу құралдары мен басқа да оқу әдебиетін әзірлеуді және іске асыруды жүзеге асыратын эксперименталдық алаң болып табылады.

2. ДББҰ өз қызметін:

1) академиялық бостандық;

2) білім, ғылым және өндірісті біріктіру;

3) дербестік және өзін-өзі басқарушылық;

4) шешімдер қабылдаудағы алқалылық;

5) әлеуметтік жауапкершілік пен ашықтық қағидаттарында жүзеге асырады.

3. Осы баптың 1-тармағында көрсетілген мақсаттарға қол жеткізу үшін ДББҰ мынадай қызмет түрлерін жүзеге асырады:

1) білім беру, оның ішінде:

бастауыш (оның ішінде мектепке дейінгі тәрбие мен оқыту), негізгі және жоғары мектептің білім беру бағдарламаларын іске асыру;

түрлі бағыттағы қосымша білімнің білім беру бағдарламаларын іске асыру;

шетелдік серіктестердің білім беру бағдарламаларын іске асыру;

эксперименталдық білім беру бағдарламаларын, оның ішінде шетелдік серіктестермен әзірлеу, сынау және енгізу;

2) педагог қызметкерлердің біліктілігін арттыру және оларды қайта даярлау;

3) білім беру қызметінің мониторингі, оның ішінде шетелдік серіктестердің қатысуымен;

4) білім берудің сапасын қамтамасыз етуді бағалау үшін аспаптарды (көрсеткіштер, индикаторлар, сауалнамалар, сұхбаттасу сұрақтары және т.б.), оның ішінде шетелдік серіктестердің қатысуымен әзірлеу;

5) оқытудың жаңа технологияларын енгізу, білім беру қызметін акпараттандыру және әлемдік білім қорлары мен кітапханаларға қолжетімділікті қамтамасыз ету;

6) білім беру саласында жобаларды, оның ішінде шетелдік серіктестердің қатысуымен іске асыру;

7) өз мектептерінің жүйесін құру, дамыту және жетілдіру, меншік объектілерін салуды; реконструкциялауды және техникалық қайта жарактандыруды күрделі және ағымдағы жөндеуді жүзеге асыру;

8) білім беру саласында халықаралық ынтымақтастық, оның ішінде оқытушылармен және білім алушылармен халықаралық алмасу;

9) білім алушылардың қатысуымен олимпиадалар, конкурстар, жарыстар мен басқа да іс-шаралар ұйымдастыру және өткізу;

10) білім беру, ғылыми, танымдық, мәдени ағарту, мәдени бұқаралық, мәдени ойын-сауық, спорттық, сауықтыру, туристік сипаттағы іс-шараларды өткізу;

11) білім беру саласында мемлекеттік тапсырыс пен мемлекеттік тапсырмаларды орындауға қатысу;

12) жеке инвестициялар тарту;

13) инновациялық;

14) инфрақұрылымды құру және дамыту;

15) білім беру саласындағы консалтингтік қызметтер;

16) жұмыс тәжірибесін (педагогикалық тәжірибені диссеминациялау), оның ішінде ақылы негізде білім беру қызметтерін және нормативтік құжаттарды, оқулықтарды, мұғалімдер үшін нұсқаулықтарды, әдістемелік құралдар мен басқа да құжаттарды сату жолымен трансляциялау;

17) полиграфиялық-баспа;

18) медициналық (білім алушылардың денсаулықтарын қорғауды қамтамасыз ететін көлемде оларға медициналық қызмет көрсету, сауықтыру);

19) қонақ үй қызметтері, сондай-ақ ДББҰ қызметкерлеріне қызметтік тұрғын үй-жайлар беру;

20) Қазақстан Республикасының заңнамасымен тыйым салынбаған өзге де қызметтер.

4-бап. ДББҰ-ның білім беру қызметі

1. ДББҰ-ның білім беру қызметі лицензиялауға жатпайды.

2. Қазақстан Республикасының білім туралы заңнамасымен көзделген мемлекеттік аттестаттау ДББҰ-да жүргізілмейді.

3. ДББҰ білім беру үдерісін мынадай білім беру деңгейлері бойынша жүзеге асырады:

бастауыш мектеп, оның ішінде мектепке дейінгі тәрбие мен оқыту;

негізгі мектеп;

жоғары мектеп.

4. ДББҰ өз бетінше әзірлеген білім беру бағдарламаларын, сондай-ақ эксперименталдық білім беру бағдарламаларын іске асырады.

Білім беру, оның ішінде эксперименталдық бағдарламаларды әзірлеу және бекіту тәртібі ДББҰ-ның Баскармасымен бекітіледі.

5. ДББҰ қосымша білім беру бағдарламаларын іске асыруды жүзеге асырады.

6. ДББҰ-да білім беру үдерісін ұйымдастыру ДББҰ Баскармасымен бекітілетін Білім беру қызметін ұйымдастыру ережесі мен Эксперименталдық қызмет туралы ереженің негізінде жүзеге асырылады.

7. ДББҰ-да оқыту және тәрбиелеу тілдері мемлекеттік, орыс және ағылшын тілдері болып табылады.

8. ДББҰ-ға Қазақстан Республикасының азаматтарын қабылдау конкурстық негізде жүзеге асырылады.

Қабылдау тәртібі ДББҰ Баскармасымен бекітілетін ДББҰ-ға оқуға қабылдау және ауысу ережелерімен, сондай-ақ Қазақстан Республикасының Үкіметімен бекітілетін Қазақстан Республикасы Тұңғыш Президентінің «Өркен» білім беру грантын беру ережелерімен регламенттеледі.

ДББҰ-ға оқуға қабылданған азаматтар білім алушылар болып табылады.

ДББҰ-да біліктілігін арттырудан өтіп жатқан педагог қызметкерлер тыңдаушылар болып табылады.

9. ДББҰ мен білім алушылар және (немесе) олардың ата-аналарымен (заңды өкілдері) қарым-қатынастар осы Жарғымен, ДББҰ-ның Баскармасымен бекітілетін Білім алушылар үшін ішкі тәртіп ережелерімен, сондай-ақ Білім беру қызметтерін көрсету туралы шартпен айқындалады.

10. ДББҰ ақылы негізде білім беру қызметін көрсетуге құқылы.

11. Оқу жүктемесі мен оқу күнінің режимі білім алушылар үшін Ішкі тәртіп ережелерімен айқындалады және «Балалар мен жасөспірімдерді тәрбиелеу және білім беру объектілеріне қойылатын санитариялық-эпидемиологиялық» санитариялық қағидаларында белгіленген нормалардан аспауға тиіс.

Білім алушыларды тамақтандырумен және медициналық қызмет көрсетумен қамтамасыз ету Білім беру қызметін ұйымдастыру ережелерімен белгіленген тәртіппен жүзеге асырылады.

12. Оқыту үдерісінде ДББҰ-ның Басқармасымен бекітілетін Білім алушыларды ағымдағы бақылау, аралық және қорытынды аттестаттауды ұйымдастыру ережелерімен белгіленген тәртіппен білім алушылардың үлгерімін ағымдағы бақылау мен аралық аттестаттау жүзеге асырылады.

13. Негізгі мектеп пен жоғары мектептің білім беру бағдарламаларын игеру Білім алушыларды ағымдағы бақылау, аралық және қорытынды аттестаттауды ұйымдастыру ережелерімен белгіленген тәртіппен жүргізілетін білім алушыларды міндетті қорытынды аттестаттаумен аяқталады.

ДББҰ қорытынды аттестаттаудан табысты өткен білім алушыларға білім берудің тиісті деңгейі туралы құжат береді, ол мемлекеттік үлгідегі білім беру туралы құжаттарға теңестіріледі.

Білім беру туралы құжаттардың бірыңғай нысаны мен оларды толтыру тәртібі ДББҰ-ның Қамқоршылық кеңесімен бекітіледі.

14. ДББҰ-да оқыған тұлғалар ұлттық бірыңғай тестілеуден босатылады.

15. ДББҰ-да тәртіп білім алушылардың, оқытушылардың адами қадір-қасиеттерін құрметтеу негізінде сақталынады. Білім алушыларға дене және психологиялық күш көрсету әдістерін қолдануға жол берілмейді. Адамгершілікке жат, сондай-ақ білім алушылардың өміріне немесе денсаулығына қауіпті оқыту әдістерін пайдалануға тыйым салынады.

Білім алушыларға тәртіптік теріс қылықтары үшін білім алушыларға арналған Ішкі тәртіп ережелерімен көзделген тәртіптік ықпал ету шаралары қолданылуы мүмкін.

16. Білім алушылар ДББҰ-дан мынадай жағдайларда шығарылады:

- 1) әкімшілік немесе қылмыстық құқық бұзушылық жасау;
 - 2) ДББҰ-ның Жарғысын немесе Білім алушыларға арналған Ішкі тәртіп ережелерін өрескел және бірнеше мәрте бұзу;
 - 3) оқу сабақтарын 10 оқу күнінен артық дәлелсіз себеп бойынша босату.
- ДББҰ-дан шығаруға білім алушының не оның ата-анасының (заңды өкілдерінің) мектептен шығу жөніндегі себебі көрсетілген өтініші де негіз болады.

17. ДББҰ-дан білім алушыны шығару Педагогикалық кеңесің шешімі негізінде жүзеге асырылады.

5-бап. ДББҰ-ның басқару органдары

1. ДББҰ-ның басқару органдары:

1) жоғары басқару органы – «Назарбаев Университеті», «Назарбаев Зияткерлік мектептері» және «Назарбаев Қоры» Жоғары Қамқоршылық кеңес (бұдан әрі – Жоғары қамқоршылық кеңес);

2) басқару органы – Қамқоршылық кеңес;

3) атқарушы орган – Басқарма болып табылады.

6-бап. Жоғары Қамқоршылық кеңес

1. Жоғары қамқоршылық кеңес ДББҰ-ның жоғары басқару органы болып табылады.

Жоғары қамқоршылық кеңестің бірінші төрағасы – Ұлт көшбасшысы – Нұрсұлтан Әбішұлы Назарбаев болып табылады.

2. Жоғары қамқоршылық кеңестің құрылымы, құзыреті, қалыптасу тәртібі, оның мүшелерінің өкілеттік мерзімдері, олардың шешім қабылдау тәртібі Заңда, сондай-ақ Жоғары қамқоршылық кеңестің бірінші төрағасы бекітетін Жоғары қамқоршылық кеңес туралы ережеде айқындалады.

3. Жоғары қамқоршылық кеңестің айрықша құзыретіне мынадай:

- 1) ДББҰ-ның ұзақ мерзімді даму стратегиясын бекіту;
- 2) ДББҰ-ның мүлікке билік ету тәртібін бекіту;
- 3) ДББҰ-ның Жарғысына өзгерістер мен толықтырулар енгізу, оны жана редакция да қабылдау;
- 4) ДББҰ-ның Қамқоршылық кеңесін қалыптастыру, оның мүшелерін тағайындау және өкілеттіктерін тоқтату;
- 5) ДББҰ-ны қайта ұйымдастыру, тарату туралы шешімдер қабылдау;
- 6) Жоғары қамқоршылық кеңес туралы ережеге сәйкес өзге де өкілеттіктер мәселелері жатады.

4. Жоғары қамқоршылық кеңестің айрықша құзыретіне жататын мәселелер Қазақстан Республикасының заңнамалық актілерінде көзделген жағдайларды қоспағанда, ДББҰ-ның өзге де органдарының құзыретіне берілмейді.

7-бап. Қамқоршылық кеңес

1. Қамқоршылық кеңес Жоғары қамқоршылық кеңес құзыретіне жататын мәселелерді шешуді қоспағанда, ДББҰ-ның ДББҰ қызметіне жалпы басшылықты жүзеге асыратын басқару органы болып табылады.

Қамқоршылық кеңес өз қызметін Қамқоршылық кеңеспен бекітілетін Ереженің негізінде жүзеге асырады.

2. Қамқоршылық кеңестің құрамы Жоғары Қамқоршылық кеңеспен қалыптастырылады.

Қамқоршылық кеңестің құрамына ДББҰ-ның Басқарма төрағасы лауазымы бойынша кіреді.

3. Қамқоршылық кеңес мүшелерінің саны кемінде жеті адамды құрауы және жиырма бір адамнан аспауы тиіс.

Бірінші отырысында Жоғары қамқоршылық кеңес Қамқоршылық кеңестің жеті мүшесін тағайындайды. Бұдан әрі Жоғары қамқоршылық кеңес Қамқоршылық кеңестің ұсынымы бойынша оның шекті санына жеткенге дейін Қамқоршылық кеңестің жыл сайын жеті мүшесін тағайындайды.

4. Қамқоршылық кеңес мүшелерінің өкілеттіктер мерзімі үш жылды құрайды.

5. Қамқоршылық кеңестің мүшесі қайтыс болған, орнынан түскен немесе оны құрамнан шығару туралы шешім қабылданған жағдайда, Қамқоршылық кеңестің осы бос орынға орналастыру үшін тандап алынған мүшесі Қамқоршылық кеңестің кеткен мүшесінің өкілеттіктерін жүзеге асырудың қалған мерзіміне тең мерзімге тағайындалады. Қамқоршылық кеңестің осындай мүшесін кез келген

кейінгі толық мерзімге қайта сайлау болашақтағы қайта тағайындау құқығын айқындау мақсатында оның өкілеттіктерінің алғашқы толық мерзімі деп есептеледі.

6. Қамқоршылық кеңестің шешімі бойынша оның құрамында Комитеттер Құрылуы мүмкін.

Комитеттердің саны, оларды қалыптастыру және қызметінің тәртібі Қамқоршылық кеңестің шешімімен айқындалады.

7. Қамқоршылық кеңестің айрықша құзыретіне мынадай өкілеттіктер жатады:

- 1) ДББҰ-ның жылдық және 3 жылға арналған орта мерзімді бюджетін бекіту;
- 2) ДББҰ-ның Басқарма құрамын қалыптастыру, Басқарма Төрағасын, оның орынбасарлары мен Басқарма мүшелерін тағайындау, сондай-ақ олардың өкілеттіктерін тоқтату;
- 3) Басқарма Төрағасымен еңбек шарттарын жасасу. Еңбек шарттары Басқарма Төрағасының орынбасарларымен және Басқарма мүшелерімен жасалады және Басқарма Төрағасы бұзады;
- 4) Басқарма Төрағасына еңбек ақы төлеу шарттарын, сондай-ақ әлеуметтік төлемдердің түрлері мен мөлшерін бекіту;
- 5) тауарларды, жұмыстарды, қызметтерді сатып алу ережелерін бекіту, сондай-ақ оларға өзгерістер мен толықтырулар енгізу;
- 6) ДББҰ-ның стратегиялық серіктестерін айқындау;
- 7) ДББҰ-ның еншілес ұйымдарын, филиалдары мен өкілдіктерін құру мен тарату туралы шешімдерді қабылдау; ДББҰ-ның басқа заңды тұлғаларға қатысу туралы, оның ішінде басқа заңды тұлғалардың жарғылық капиталына ақшалай қаражатты және өзге де мүлікті енгізу немесе осындай мүлікті өзге тәсілмен басқа заңды тұлғаларға құрылтайшы немесе қатысушы ретінде беру туралы;
- 8) ДББҰ-ның мүдделер қайшылығы көзделетін ірі мәмілелер және мәмілелер жасауын мақұлдау;
- 9) ірі мәмілелер және оларды жасасу тәртібінің өлшемдерін бекіту;
- 10) жылжымайтын мүлік пен аса бағалы жылжымалы мүлікті сатып алу немесе иеліктен шығару бойынша ДББҰ-ның мәмілелерін мақұлдау;
- 11) аса бағалы жылжымалы мүліктің тізбесін бекіту;
- 12) тыңдаушыларға стипендиялар, олардың мөлшері мен төлеу тәртібін тағайындау;
- 13) педагогикалық қызмет үшін атаулы көтермелеу белгілерін, атаулы сыйлықақы және оларды беру тәртібін тағайындау;
- 14) тиісті органдарға ДББҰ қызметкерлерін үкіметтік наградалармен марапаттау туралы және құрметті атақтар беру туралы қолдау хаттар енгізу;
- 15) Қазақстан Республикасының заңнамасына, осы Жарғыға және Қамқоршылық кеңес туралы ережеге сәйкес өзге де өкілеттіктер мәселелерін шешу жатады.

8. ДББҰ-ның Қамқоршылық кеңесінің айрықша құзыретіне жататын мәселелер ДББҰ-ның Басқармасына шешу үшін беріле алмайды. Қамқоршылық кеңес осы Жарғыға сәйкес ДББҰ Басқармасының құзыретіне жатқызылған мәселелер бойынша, сондай-ақ Жоғары қамқоршылық кеңестің шешімдеріне қайшы келетін шешімдерді қабылдауға құқығы жоқ.

9. Қамқоршылық кеңес Қамқоршылық кеңес төрағасының не мүшелерінің немесе Басқарма төрағасының бастамасы бойынша енгізілген кез келген мәселені қарауға қабылдауға құқылы.

10. Қамқоршылық кеңестің отырысы, егер Қамқоршылық кеңес мүшелерінің кемінде жартысы қатысса заңды деп есептеледі.

Қамқоршылық кеңестің шешімі Қамқоршылық кеңес туралы ережеде өзгеше көзделмесе жай көпшілік дауыстармен қабылданады.

Дауыстардың саны тең болған кезде, Қамқоршылық кеңес төрағасының дауысы шешуші болып табылады.

Қамқоршылық кеңестің шешімі хаттамамен ресімделеді.

11. Қамқоршылық кеңестің шешімі отырыс өткізбей, бюллетеньдер арқылы сырттай дауыс беру жолымен қабылдануы мүмкін. Қамқоршылық кеңес мүшелерімен сырттай дауыс беруді өткізудің ерекшелігі Қамқоршылық кеңес туралы ережемен белгіленеді.

12. Осы тармақтың екінші бөлігінде көзделген жағдайды қоспағанда, Қамқоршылық кеңестің төрағасы Қамқоршылық кеңес мүшелерінің отырысына қатысқандардың жалпы санынан ашық дауыс берумен жай көпшілік дауыстармен оның мүшелерінің ішінен сайланады.

Қамқоршылық кеңестің төрағасы осы тармақтың бірінші бөлігінде көзделген шарттарды сақтамай, Жоғары қамқоршылық кеңестің бірінші төрағасының шешімімен сайлануы мүмкін.

13. Қамқоршылық кеңестің төрағасы Қамқоршылық кеңестің жұмысын ұйымдастырады, оның отырыстарында төрағалық етеді, сондай-ақ осы Жарғымен, Қамқоршылық кеңес туралы ережемен көзделген өзге де функцияларды жүзеге асырады.

8-бап. ДББҰ-ны басқарудың атқарушы органы

1. Басқарма ДББҰ-ның алқалық атқарушы органы болып табылады, ол Заңмен және осы Жарғымен ДББҰ-ны басқарудың басқа органдарының құзыретіне жатпайтын ДББҰ қызметінің кез келген мәселелері бойынша шешімдер қабылдаумен ДББҰ-ның қызметіне ағымдық басшылықты жүзеге асырады.

2. Басқарма Жоғары Қамқоршылық кеңес пен ДББҰ-ның Қамқоршылық кеңесінің шешімдерін орындайды, Қамқоршылық кеңеске есеп береді және өзіне жүктелген міндеттердің орындалуына олардың алдында жауапты болады.

3. Басқарманың құрамы Қамқоршылық кеңеспен бекітіледі. Басқарма құрамы Басқарма төрағасы мен оның орынбасарларынан басқа, атқарушы директорлар мен ДББҰ департаменттері директорларының ішінен қалыптастырылады.

4. Басқарманың сандық құрамы, оның өкілеттіктері, отырыстарды шақыру мен өткізу тәртібі, қызмет пен онда шешімдерді қабылдаудың тәртібі, Басқарма мүшелерінің құқықтары мен міндеттері, сондай-ақ, Басқарманың кез келген мүшелерінің немесе Басқарманың барлық құрамының өкілеттіктерін тоқтату Қамқоршылық кеңеспен бекітілген ДББҰ-ның басқармасы туралы ережемен айқындалады.

5. Басқарманың құзыретіне:

1) ДББҰ-ның жылдық және орта жедел бюджеттерінің жобасын дайындау және оны Қамқоршылық кеңестің қарауына енгізу;

- 2) аса бағалы жылжымалы мүлікті қоспағанда, жылжымалы мүлікке билік ету;
- 3) ДББҰ-ның Құрылымы мен штаттық кестесін бекіту;
- 4) Еңбекақы төлеу жүйесі туралы ережелерді бекіту;
- 5) ДББҰ-ның барлық қызметкерлері орындауға міндетті шешімдер қабылдау және нұсқаулар беру;
- 6) ДББҰ-ның Регламентін бекіту;
- 7) ДББҰ-ның Этика кодексін, Корпоративтік басқару кодексін бекіту;
- 8) Жоғары Қамқоршылық кеңеспен және Қамқоршылық кеңеспен бекітілген құқықтық актілерді қоспағанда, ДББҰ қызметінің барлық мәселелері бойынша құқықтық актілерді бекіту;
- 9) оның қызмет бағыттары бойынша ДББҰ-ның регламенттерін, стандарттарын, сондай-ақ саясатын бекіту;
- 10) ДББҰ филиалдарының, өкілдіктерінің және еншілес ұйымдарының жұмысын үйлестіру және бағыттау;
- 11) ДББҰ-ның жылдық бюджетін іске асыруды қамтамасыз ету;
- 12) білім беру және оқу бағдарламаларын бекіту;
- 13) білім беру қызметін материалдық-техникалық қамтамасыз ету;
- 14) ғылыми-әдістемелік және зерттеу жұмысын ұйымдастыру, оның ішінде шетелдік әріптестермен ғылыми және әдістемелік конференциялар, семинарлар, тренингтер ұйымдастыру және өткізу;
- 15) Құрылтайшысы ДББҰ болып табылатын заңды тұлғалар, сондай-ақ жарғылық капиталдарына ДББҰ-ның еншілес және тәуелді ұйымдары қатысатын заңды тұлғалар, аталған заңды тұлғалардың акционерлерінің (жалғыз акционердің) қатысушыларының (жалғыз қатысушының) жалпы жиналысының құзыретіне жататын қызметінің барлық мәселелері бойынша шешімдер қабылдау;
- 16) әкімшілік және оқытушылық персоналды жалдауға қатысты саясатты тағайындау, босату, еңбекақы төлеу, тиімділікті бағалау мен жеңілдіктерді қоса алғанда, бекіту және өзгерту;
- 17) ДББҰ қызметкерлерін көтермелеу жүйесі мен түрлерін бекіту;
- 18) білім алушылардың денсаулығын сақтау және нығайту, тамақтандыруды ұйымдастыру үшін қажетті жағдай жасау;
- 19) білім алушылардың дене тәрбиесімен және спортпен шұғылдануы үшін жағдай жасау;
- 20) педагогикалық қызметкерлер лауазымына орналасудың Конкурстық ережесін бекіту;
- 21) педагогикалық қызметкерлердің аттестаттаудан өтуінің кезеңділігін белгілеу және Педагогикалық қызметкерлерді аттестаттау ережесін (қызметтік бағалауды) бекіту;
- 22) оқу үдерісінде пайдаланылатын оқулықтардың, оқу-әдістемелік кешендердің, қосымша әдебиеттердің Тізбесін бекіту;
- 23) педагогикалық қызметкерлер мен оларға тенестірілген тұлғалардың, сондай-ақ педагогикалық қызметкерлер лауазымдарының біліктілік сипаттамаларының Тізбесін бекіту;
- 24) шетелдік білім беру ұйымдарымен оқытушылармен және білім алушылармен алмасу туралы шешімдер қабылдау;
- 25) білім алушылардың киіміне қойылатын талаптарды белгілеу (мектеп формасының үлгілерін бекіту);

26) ДББҰ қызметінің өзге де мәселелері бойынша шешімдер қабылдау жатады.

Басқарма Жоғары Қамқоршылық кеңес пен Қамқоршылық кеңестің құзыретіне жатқызылған мәселелерді қоспағанда, ДБҰҰ қызметінің кез келген мәселелері бойынша шешім қабылдауға құқылы.

9-бап. ДББҰ Басқармасының төрағасы

1. ДББҰ-ның Басқармасын Қамқоршылық кеңестің шешімімен қызметке тағайындалатын және қызметтен босатылатын Төраға басқарады.

2. Басқарма Төрағасы Жоғары Қамқоршылық кеңестің, Қамқоршылық кеңестің және Басқарманың құзыретіне жатқызылғандардан басқа, ДББҰ-ның ағымдағы қызметінің барлық мәселелерін дербес шешеді.

3. Басқарма төрағасы үшінші тұлғалармен қарым-қатынастарда ДББҰ-ның атынан сенімхатсыз әрекет етеді.

4. Басқарма төрағасы мынадай функцияларды жүзеге асырады:

1) Басқарманы басқарады, оның жұмысын ұйымдастырады;

2) Жоғары Қамқоршылық кеңес пен Қамқоршылық кеңес шешімдерінің орындалуын ұйымдастырады;

3) ДББҰ-ның білім беру, зерттеу, қаржы, әкімшілік-шаруашылық, халықаралық және өзге де қызметіне басшылық етеді;

4) ДББҰ қызметінің барлық мәселелері бойынша оның мүдделерін барлық мемлекеттік органдарда, мемлекеттік және басқа да ұйымдарда, оның ішінде шетелдік ұйымдарда білдіреді; ДББҰ-ның атынан олар бойынша Қазақстан Республикасының заңнамасымен және осы Жарғымен белгіленген жағдайларда оларды жасасу туралы белгіленген тәртіппен шешім қабылданған мәмілелерді қоса алғанда, мәмілелер жасайды;

5) үшінші тұлғалармен қарым-қатынастарда ДББҰ-ның мүдделерін білдіруге құқық беретін сенімхат береді;

6) ДББҰ-ның банктік және басқа да шоттарын ашады;

7) ДББҰ-ға қызметкерлерді жұмысқа қабылдауды, ауыстыруды, жұмыстан босатуды (Қазақстан Республикасының заңнамалық актілері мен осы Жарғымен көзделмеген жағдайларды қоспағанда) жүзеге асырады, оларға көтермелеу шараларын, тәртіптік жазаларды қолданады;

8) ДББҰ-ның қызметкерлеріне лауазымдық жалақылары мөлшерлерін белгілейді, үстеме акы және қызметкерлерді әлеуметтік қолдаудың өзге де түрлерін белгілейді, ДБҰҰ-ның қызметкерлеріне төленетін сыйлықақылардың мөлшерлерін айқындайды.

9) ДББҰ-ның жұмыс режимін белгілейді;

10) өзі болмаған жағдайда, өзінің міндеттерін атқаруды Басқарма Төрағасының өкілеттіктерін бере отырып, Басқарма Төрағасының орынбасарына жүктейді;

11) Басқарма мүшелерінің, сондай-ақ өз орынбасарларының арасында міндеттерді, сондай-ақ өкілеттіктер саласы мен жауапкершілікті бөледі;

12) құзыреті шегінде бұйрықтар шығарады, ДББҰ-ның ішкі қызметін реттейтін құқықтық актілерді бекітеді;

13) ДББҰ-ның кез келген бөлімшелері мен қызметтерінен ДББҰ қызметіне қатысты кез келген, оның ішінде құпия сипаттағы ақпаратты Жоғары

Қамқоршылық кеңес пен Қамқоршылық кеңестің уақытылы алуын қамтамасыз етеді;

- 14) ДББҰ-мен берілетін сертификаттарға қол қояды;
- 15) осы Жарғымен, Жоғары Қамқоршылық кеңес пен Қамқоршылық кеңестің шешімдерімен айқындалған өзге де өкілеттіктерді жүзеге асырады;

5. Басқарма Төрағасы қызметінің тәртібі мен онда қабылданған шешімдер осы Жарғымен және ДББҰ-ның басқарма туралы ережесімен айқындалады.

6. ДББҰ-да консультативтік-кеңесші орган – «Назарбаев Зияткерлік мектептері» ДББҰ филиалдарының Директорлар кеңесі жұмыс істейді.

Директорлар кеңесі ДББҰ-ны дамыту стратегиясын іске асыру мәселелерін, ДББҰ-ның филиалдарына жедел басшылық ету, оларды үйлестіру және олардың өзара әрекет етуі мәселелерін қарайды, Қамқоршылық кеңесте және Басқармада талқылау үшін ұсыныстар дайындайды. Директорлар кеңесінің өкілеттіктері мен қызметінің тәртібі Басқарманың шешімімен айқындалады. Директорлар кеңесінің шешімдері ұсынымдық сипатта болады.

Басқарма басқа да консультациялық-кеңесші органдарды құруға құқылы.

Мұндай органдарды қалыптастыру тәртібі, құрамы мен мүшелерінің өкілеттіліктері мерзімдері Басқарма бекіткен аталған органдар туралы ережемен айқындалады.

10-бап. ДББҰ-ның мүлкі

1. ДББҰ-ның мүлкі ДББҰ-ның жарғылық қызметін қамтамасыз етуге арналған және оған меншік құқығымен тиесілі болады. Құрылтайшының ДББҰ-ның мүлкіне мүліктік құқықтары болмайды.

2. ДББҰ-ның мүлкі:

- 1) Құрылтайшының нысаналы салымдарының;
- 2) Қазақстан Республикасы Үкіметінің шешімі бойынша берілген мемлекеттік мүліктің;
- 3) демеушілік, қайырымдылық, нысаналы және басқа да жарналардың, ерікті қайырымалдықтар мен мүліктік жарналардың;
- 4) Назарбаев қорымен ұсынылған қаржыландырудың;
- 5) Қазақстан Республикасының заңнамасымен белгіленген тауарларды, жұмыстарды, қызметтерді сатудан түскен түсімдердің (табыстардың);
- 6) ДББҰ-ға тиесілі зияткерлік қызмет нәтижелеріне құқықтарды пайдаланудан түсетін кірістердің;
- 7) акциялар, облигациялар мен салымдар (депозиттер) бойынша алынған дивидендтердің (табыстардың, сыйақының (мүдденің));
- 8) Қазақстан Республикасының заңдарымен тыйым салынбаған басқа да түсімдердің есебінен қалыптастырылады.

ДББҰ өзіне беруге жіберілген мүлік, оның ішінде ДББҰ меншігіне кіретін жылжымайтын мүлік мәмілелері бойынша тарап ретінде дербес әрекет етуге құқылы.

3. ДББҰ қызметін қаржыландыру көздері болып мемлекеттік тапсырыс; гранттар; нысаналы салымдар; кредиттер; қарыздар; тауарларды, жұмыстарды, қызметтерді сатудан түскен қаражат; кәсіпкерлік қызметтен түскен табыстар; занды және жеке тұлғалардан түскен демеушілік, қайырымдылық, нысаналы және

басқа да жарналар, ерікті қайырымалдықтар мен мүліктік жарналар және Қазақстан Республикасының заңнамасымен тыйым салынбаған өзге де көздерден алынған қаражат табылады.

4. ДББҰ коммерциялық емес ұйым ретінде негізгі мақсаты пайда алу болып табылмайды. ДББҰ кәсіпкерлік қызметпен өзінің жарғылық мақсаттарына сәйкес келгенше ғана айналыса алады. Кез келген көздерден алынған, оның ішінде ДББҰ-ның кәсіпкерлік қызметінен алынған қаражат жарғылық міндеттерді шешуге бағытталады және бөлуге және Құрылтайшыға беруге жатпайды.

5. ДББҰ-ның мүлкіне билік ету Жоғары Қамқоршылық кеңеспен бекітілген Мүлікке билік ету ережесімен белгіленген тәртіппен жүзеге асырылады.

ДББҰ өз мүлкінің сақталуы және тиімді пайдаланылуы үшін жауапты болады.

6. Осы Жарғымен көзделген мақсаттарға қол жеткізу үшін ДББҰ Қор құруға құқылы, ол ДББҰ-ның таза табысынан аударымдар, демеушілік және қайырымдылық көмек, өтеусіз аударымдар мен қайырымалдықтар жолымен. Қазақстан Республикасының заңнамасымен тыйым салынбаған басқа да көздермен қалыптастырылады.

11-бап. Жарғыға өзгерістер мен толықтырулар енгізу

1. Осы Жарғыға өзгерістер мен толықтырулар Жоғары Қамқоршылық кеңестің шешімімен Қамқоршылық кеңестің ұсынысы бойынша енгізіледі.

2. Жоғары Қамқоршылық кеңес осы Жарғыға өзгерістер мен толықтырулар енгізуге өз бетінше бастама жасауға құқылы.

12-бап. ДББҰ-ны қайта ұйымдастыру және тарату

1. ДББҰ-ны қайта ұйымдастыру (біріктіру, қосу, бөлу, шығару, қайта құру) Қазақстан Республикасының Азаматтық кодексіне сәйкес, коммерциялық емес заңды тұлғалар үшін Қазақстан Республикасының заңнамалық актілерімен белгіленген ерекшеліктерді ескере отырып жүзеге асырылады.

2. ДББҰ-ны ерікті қайта ұйымдастыру Жоғары Қамқоршылық кеңес шешімінің негізінде ғана мүмкін болады.

3. ДББҰ:

- 1) Жоғары Қамқоршылық кеңестің шешімі (ерікті тарату) бойынша;
- 2) Қазақстан Республикасының заңнамалық актілерімен көзделген жағдайларда, соттың шешімі (ықтиярсыз тарату) бойынша таратылуы мүмкін.

4. ДББҰ-ны тарату Қазақстан Республикасының заңнамасымен белгіленген тәртіппен жүзеге асырылады.

ДББҰ таратылған кезде кредит берушілердің талаптары қанағаттандырылғаннан кейін қалған мүлік Жоғары қамқоршылық кеңестің шешімімен айқындалған мақсатқа бағытталады.

Қамқоршылық
кеңесінің төрағасы

Е.Т. Орынбаев

**«Назарбаев Зияткерлік мектептері» дербес білім беру ұйымының
Жарғысына өзгерістер мен толықтыру**

4-бапта:

10-тармақ мынадай редакцияда жазылсын:

«10. ДББҰ ақылы негізде білім беру қызметін көрсетуге құқылы. Ақылы қызметтерді ұсыну тізімі мен тәртібі ДББҰ-ның ішкі құжаттарымен анықталады.»;

11-тармақтағы «Балалар мен жасөспірімдерді тәрбиелеу және білім беру объектілеріне қойылатын санитариялық-эпидемиологиялық санитариялық қағидаларында» деген сөздер «Қазақстан Республикасының заңнамасымен» деген сөздермен ауыстырылсын;

14-тармақ алынып тасталсын;

16-тармақ мынадай редакцияда жазылсын:

«16. Білім алушылар ДББҰ-дан келесі жағдайларда шығарылады:

1) әкімшілік немесе қылмыстық құқық бұзушылық жасағанда;
2) ДББҰ-ның Жарғысын немесе білім алушыларға арналған Ішкі тәртіп ережелерін өрескел немесе бірнеше мәрте бұзғанда;

3) оқу сабақтарына дәлелсіз себеппен 10 оқу күнінен артық қатыспағанда;

4) толық оқу жылы бойы білім ала отырып, оқу жылын бір пәннен «қанағаттанарлықсыз» бағаға бітіргенде;

5) толық оқу жылы бойы білім ала отырып, оқу жылын үш пәннен «қанағаттанарлық» бағаға бітіргенде.

ДББҰ-нан шығаруға білім алушының не оның ата-анасының (заңды өкілдерінің) мектептен шығу себебі көрсетілген өтініші де негіз болады.».

мынадай мазмұндағы 13-баппен толықтырылсын:

«13-бап. Қорытынды ережелер

1. Осы Жарғының ережелері мен ДББҰ-ның ішкі құжаттардың ережелері арасында қайшылықтар орын алған жағдайда, осы Жарғының ережелері қолданылады.

2. Жарғы ережелеріне қайшы келетін ішкі құжаттардың ережелері, ДББҰ-ның Қамқоршылық кеңесі және Басқармасы туралы ережелерін қоса алғанда, Жарғы ережелеріне міндетті түрде сәйкестендірілуі тиіс.».



«Назарбаев Университеті»,
«Назарбаев Зияткерлік мектептері»
дербес білім беру ұйымдарының
және «Назарбаев Қоры» Жоғары
қамқоршылық кеңесінің сырттай
отырысының 2020 жылғы тағуыз
№ 9 хаттамасымен
бекітілді



**«Назарбаев Зияткерлік мектептері» дербес білім беру ұйымының
жарғысына өзгеріс**

1. «Назарбаев Университеті», «Назарбаев Зияткерлік мектептері» дербес білім беру ұйымдарының және «Назарбаев Қорының» Жоғары қамқоршылық кеңесінің 2013 жылғы 18 сәуірдегі № 2 хаттамасымен бекітілген «Назарбаев Зияткерлік мектептері» дербес білім беру ұйымының жарғысына (бұдан әрі – Жарғы) келесі өзгеріс енгізілсін:

1) Жарғының 1-бабының 5-тармағы келесі редакцияда жазылсын:


«5. ДББҰ-ның орналасқан жері: Қазақстан Республикасы, 010000, Нұр-Сұлтан қаласы, Есіл ауданы, Қабанбай батыр даңғ., 53.».

Жоғары қамқоршылық кеңестің атынан және оның тапсырмасы бойынша:

К. Шамшидинова



Шамшидинова



«Назарбаев Университеті», «Назарбаев
Зияткерлік мектептері» дербес білім
беру ұйымдарының және «Назарбаев
Қоры» Жоғары қамқоршылық кеңесінің
2022 жылғы 1 маусымындағы №10
хаттамасымен бекітілді


**«Назарбаев Зияткерлік мектептері» дербес білім беру ұйымының
жарғысына өзгеріс**

1. «Назарбаев Университеті», «Назарбаев Зияткерлік мектептері» дербес білім беру ұйымдарының және «Назарбаев Қорының» Жоғары қамқоршылық кеңесінің 2013 жылғы 18 сәуірдегі № 2 хаттамасымен бекітілген «Назарбаев Зияткерлік мектептері» дербес білім беру ұйымының жарғысына (бұдан әрі – Жарғы) келесі өзгеріс енгізілсін:

1) Жарғының 1-бабының 5-тармағы келесі редакцияда жазылсын:

«5. ДББҰ-ның орналасқан жері: Қазақстан Республикасы, 010000, Нұр-Сұлтан қаласы, Есіл ауданы, Хусейн бен Талал көшесі, 21/1.».

**«Назарбаев Зияткерлік мектептері»
дербес білім беру ұйымының
Басқарма Төрайымы**



К.Шамшидинова

№2 қосымша

«Назарбаев Университеті», «Назарбаев
Зияткерлік мектептері» дербес білім
беру ұйымдарының және «Назарбаев
Қорының» Жоғары қамқоршылық
кеңесі сырттай отырысының 2023
жылғы «02» қыркүйек №11
хаттамасымен бекітілді



«Назарбаев Зияткерлік мектептері» ДББҰ Жарғысына өзгертулер мен толықтырулар

«Назарбаев Университеті», «Назарбаев Зияткерлік мектептері» дербес білім беру ұйымдарының және «Назарбаев Қоры» Жоғары Қамқоршылық кеңесінің 2013 жылғы «18» сәуірдегі №2 хаттамасымен бекітілген «Назарбаев Зияткерлік мектептері» дербес білім беру ұйымының Жарғысына (бұдан әрі – Жарғы) келесі өзгертулер мен толықтырулар енгізілсін:

1) 1-баптағы 5-тармақ келесі редакцияда жазылсын:

«5. ДББҰ орналасқан жері: Қазақстан Республикасы, 010000, Астана қаласы, Нұра ауданы, Хусейн бен Талал көшесі, 21/1.»;

2) 2-баптағы 8-тармақтың екінші абзацы келесі редакцияда жазылсын:

«Филиал (өкілдік) туралы ереже, филиалдың (өкілдіктің) құрылымы мен штаттық саны және еңбекақы төлеу жүйесі ДББҰ Басқармасының шешімімен бекітіледі.»;

3) 3-баптағы 3-тармақтың:

2)-тармақшасы келесі редакцияда жазылсын:

«2) педагогтердің және өзге мамандардың біліктілігін арттыру және оларды қайта даярлау;»;

8)-тармақша келесі редакцияда жазылсын:

«8) білім беру саласындағы халықаралық ынтымақтастық, оның ішінде педагогтер мен білім алушылармен халықаралық алмасу;»;

16)-тармақша келесі редакцияда жазылсын:

«16) жұмыс тәжірибесін (педагогикалық тәжірибені диссеминациялау), оның ішінде ақылы негізде білім беру қызметтерін және нормативтік құжаттарды, оқулықтарды, педагогтерге арналған нұсқаулықтарды, әдістемелік құралдар мен басқа да құжаттарды сату жолымен трансляциялау;»;

4) 4-баптағы:

6-тармақ келесі редакцияда жазылсын:

«6. ДББҰ-да білім беру үдерісі ДББҰ Басқармасы бекіткен ішкі құжаттарға сәйкес ұйымдастырылады.»

8-тармақ келесі редакцияда жазылсын:

«8. Қазақстан Республикасының азаматтары «Өркен» білім беру гранты бойынша ДББҰ-ға оқуға конкурстық негізде қабылданады.

Қабылдау тәртібі ДББҰ Басқармасы бекіткен ішкі құжаттармен реттеледі, сондай-ақ ҚР Білім беру саласындағы уәкілетті орган бекітетін «Назарбаев Зияткерлік мектептері» дербес білім беру ұйымында дарынды балалардың оқуына ақы төлеу үшін Қазақстан Республикасы Президентінің «Өркен» білім беру грантын тағайындау қағидалары мен мөлшерлерін бекіту туралы ережелермен реттеледі.

ДББҰ-да оқуға қабылданған азаматтар білім алушылар болып табылады. Біліктілігін ДББҰ-да арттырып жатқан педагогтер тыңдаушылар болып табылады.»;

15 тармақтың бірінші абзацы келесі редакцияда жазылсын:

«15. ДББҰ-да тәртіп білім алушылардың, педагогтердің қадір қасиетін құрметтеу негізінде сақталынады. Білім алушыларға дене және психологиялық күш көрсету әдістерін қолдануға жол берілмейді. Адамгершілікке жат, сондай-ақ білім алушылардың өміріне немесе денсаулығына қауіпті оқыту әдістерін пайдалануға тыйым салынады.»;

5) 6-баптағы:

1-тармақ келесі редакцияда жазылсын:

«1. Жоғарғы қамқоршылық кеңес ДББҰ-ның ең жоғарғы басқару органы болып табылады.

Жоғарғы қамқоршылық кеңестің төрағасы Қазақстан Республикасының Президенті немесе Қазақстан Республикасының Президенті тағайындайтын тұлға болып табылады.»;

2-тармақ келесі редакцияда жазылсын:

«2. Жоғары қамқоршылық кеңес құрылымы, құзыреті, қалыптасу тәртібі, оның мүшелерінің өкілеттік мерзімдері, шешім қабылдау тәртібі Заңда, сондай-ақ Жоғары қамқоршылық кеңестің төрағасы бекітетін Жоғары қамқоршылық Кеңес туралы ережеде айқындалады.»;

6) 7-баптың 7-тармағы

мазмұны келесідей 1-1)-тармақшамен толықтырылсын:

«1-1) жылдық қаржылық есептілікті бекіту»;

мазмұны келесідей 2-2)-тармақшамен толықтырылсын:

«2-2) Қамқоршылық кеңес хатшысын тағайындау, сондай-ақ оның өкілеттігін тоқтату»;

7) 8 баптағы 5 тармақ:

мазмұны келесідей 10-1)-тармақшамен толықтырылсын:

«10-1) мектептердің үлгілік штат кестесін бекіту»;

14)-тармақша келесі редакцияда жазылсын:

«14) ғылыми-әдістемелік және зерттеу жұмыстарын ұйымдастыру, оның ішінде ғылыми және әдістемелік конференциялар, семинарлар, тренингтер, білім берудегі конкурстар мен олимпиадаларды, оның ішінде шетелдік әріптестердің қатысуымен ұйымдастыру және өткізу»;

23)-тармақша келесі редакцияда жазылсын:

«23) ДББҰ педагогтерінің лауазымдарының Тізбесін, сондай-ақ педагог лауазымдарының біліктілік сипаттамаларын бекіту»;

24)-тармақша келесі редакцияда жазылсын:

«24) шетелдік білім беру ұйымдарымен педагогтермен және білім алушылармен алмасу туралы шешімдер қабылдау;».

Жоғары қамқоршылық кеңестің атынан және тапсырмасы бойынша:

**Жанғозин
Әнуар Қанатұлы**





№ 1 қосымша

«Назарбаев Университеті», «Назарбаев Зияткерлік мектептері» дербес білім беру ұйымдарының және «Назарбаев Қорының» Жоғары қамқоршылық кеңесі сырттай отырысының 2023 жылғы 11 қараша № 1 хаттамасымен бекітілді

«Назарбаев Зияткерлік мектептері» ДББҰ Жарғысына өзгертулер мен толықтырулар

«Назарбаев Университеті», «Назарбаев Зияткерлік мектептері» дербес білім беру ұйымдарының және «Назарбаев Қоры» Жоғары Қамқоршылық кеңесінің 2013 жылғы «18» сәуірдегі №2 хаттамасымен бекітілген «Назарбаев Зияткерлік мектептері» дербес білім беру ұйымының Жарғысына (бұдан әрі – Жарғы) келесі өзгертулер мен толықтырулар енгізілсін:

1) 3-баптағы 3-тармақтың:

мазмұны келесідей 3-1)-тармақшамен толықтырылсын:

«3-1) білім беру ұйымдарын аккредиттеу;»;

мазмұны келесідей 3-2)-тармақшамен толықтырылсын:

«3-2) білім беру саласында зерттеулер жүргізу;»;

16)-тармақша келесі редакцияда жазылсын:

«16) жұмыс тәжірибесін (педагогикалық тәжірибені диссеминациялау), оның ішінде білім беру қызметтері мен нормативтік құжаттарды, оқулықтарды, оқу-әдістемелік құралдарды, цифрлық шешімдер мен ресурстарды, сондай-ақ білім беру саласындағы басқа да құжаттар мен жобаларды сату арқылы таратуды;»;

2) 4-баптағы:

12-тармақ келесі редакцияда жазылсын:

«12. Оқыту барысында ДББҰ Басқармасы бекіткен ішкі құжаттарға сәйкес білім алушыларды ішкі және сыртқы бағалау жүзеге асырылады.»;

13-тармақ бірінші абзацы келесі редакцияда жазылсын:

«13. Негізгі мектеп пен жоғары мектептің білім беру бағдарламалары білім алушыларды сыртқы бағалау нысанында өткізілетін міндетті қорытынды аттестаттаумен аяқталады. Ол ДББҰ Басқармасы бекіткен ішкі құжаттарға сәйкес өткізіледі.»;

16-тармақ келесі редакцияда жазылсын:

«16. «Өркен» білім беру гранты бойынша білім алушылар ДББҰ-нан келесі жағдайларда шығарылады:

1) әкімшілік немесе қылмыстық құқық бұзушылық жасағанда;

2) ДББҰ-ның Жарғысын немесе білім алушыларға арналған Ішкі тәртіп ережелерін өрескел немесе бірнеше мәрте бұзғанда;

3) оқу сабақтарына дәлелсіз себеппен 10 оқу күнінен артық қатыспағанда;

4) толық оқу жылы бойы білім ала отырып, оқу жылын бір пәннен «қанағаттанарлықсыз» бағаға бітіргенде;

5) толық оқу жылы бойы білім ала отырып, оқу жылын үш пәннен «қанағаттанарлық» бағаға бітіргенде;

6) Қазақстан Республикасының азаматтығы тоқтатылған, оның ішінде Қазақстан Республикасының азаматтығы болмаған жағдайларда.

ДББҰ-дан шығаруға білім алушының не оның ата-анасының (заңды өкілдерінің) мектептен шығу жөніндегі себебі көрсетілген өтініші де негіз болады.»;

3) 7-баптың:

7-тармағының 12), 13) және 14)-тармақшалары алып тасталсын;

12-тармақтың екінші абзацы келесі редакцияда жазылсын:

«12. Қамқоршылық кеңестің төрағасы осы тармақтың бірінші бөлігінде көзделген шарттарды сақтамай, Жоғары қамқоршылық кеңестің төрағасының шешімімен сайлануы мүмкін.»

4) 8 баптағы 5 тармақ:

16)-тармақша келесі редакцияда жазылсын:

«16) қызметкерлердің персоналды жалдауға қатысты саясатты тағайындау, босату, еңбекақы төлеу, аттестаттау, тиімділікті бағалау мен жеңілдіктерді қоса алғанда, бекіту және өзгерту;»;

мазмұны келесідей 17-1)-тармақшамен толықтырылсын:

«17-1) тыңдаушыларға шәкіртақы, олардың мөлшері мен төлеу тәртібін белгілеу;»;

мазмұны келесідей 17-2)-тармақшамен толықтырылсын:

«17-2) педагогикалық қызмет үшін атаулы көтермелеу белгілерін, атаулы сыйлықақы тағайындау және оларды беру тәртібін белгілеу;»;

мазмұны келесідей 17-3)-тармақшамен толықтырылсын:

«17-3) тиісті органдарға ДББҰ қызметкерлерін үкіметтік наградалармен марапаттау туралы және құрметті атақтар беру туралы қолдаухаттар енгізу;»;

20) және 21)-тармақшалар алып тасталсын.

Жоғары қамқоршылық кеңестің атынан және тапсырысы бойынша:

**Жанғозин
Әнұар Қанатұлы**

